




Pravuar / Dorëzuar Submitted / Provided	30	11	8	viti year
Organizim / Organizim Org. Unit	Skopje / Skopje	Prishtinë / Pristina	Shkup / Shkup	Sasia Quantity
	7240/2018			111



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

Nr. 317 /2018

Datë: 15.11.2018

Në mbështetje të nenit 6 paragrafit 1 nënparagrafit 1.3, nenit 20 paragrafit 2, 4 dhe 5 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, nenit 10 të Rregullores Nr. 01/2018 për Punën e Këshillit të Pavarur Mbikëqyrës për Shërbimin Civil të Kosovës, nenit 3, nenit 4 paragrafit 1 nënparagrafit 1.1, nenit 5, nenit 16 paragrafit 1 dhe 2 të Rregullores Nr. 04/2018 për Procedurën e Monitorimit të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil, pasi shqyrtoi raportin me rekomandime për Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Agjencinë Shtetërore të Arkivave të Kosovës, Këshilli në mbledhjen e njëzet e tretë (XXIII) të mbajtur më datë 15.11.2018 mori këtë:

V E N D I M

1. Miratohet raporti me rekomandime i Kolegjit të Këshillit lidhur me Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Agjencinë Shtetërore të Arkivave të Kosovës.
2. Obligohet Drejtori i Përgjithshëm i Agjencisë Shtetërore të Arkivave të Kosovës, për zbatimin e rekomandimeve në raport, brenda katër dhjetë e pesë (45) ditësh nga dita e pranimit të këtij vendimi.
3. Raporti me rekomandim i Kolegjit të Këshillit lidhur me Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Agjencinë Shtetërore të Arkivave të Kosovës, është pjesë e bashkangjitur këtij vendimi.
4. Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas zbatimit të rekomandimeve në pajtim me këtë vendim dhe raportin.
5. Vendimi hyn në fuqi në ditën e nënshkrimit nga Kryetari i Këshillit.

Vendimi i dërgohet:

- Drejtorit të Përgjithshëm në Agjencinë Shtetërore të Arkivave të Kosovës;
- Menaxherit të Personelit në Agjencinë Shtetërore të Arkivave të Kosovës dhe
- Arkivit të Këshillit.

Eshref SHABANI
Kryetar i Këshillit

Faqe 1 / 1





Prishtar / Dorezuar Prishtëno / Predato Received / Delivered	30 - 11 - 2018	viti god year	8
Organ / Njësia Organ / Jednica Org. / Unit	Nr. Prot. Br. Prot. Prot. No:	Shtojca Prilog Appendix	Sasia Kolicina Quantity
SKPMSHHC	7240/2018		1110



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

RAPORTI I MBIKËQYRJES SË ZBATIMIT TË RREGULLAVE DHE PARIMEVE TE
LEGJISLACIONIT PËR SHËRBIMIN CIVIL
NË
AGJENCINË SHTETËRORE TË ARKIVAVE TË KOSOVËS
PËR VITIN
2017

Prishtinë, 2018

TABELA E PËRMBAJTJES

HYRJE	3
FUNKSIONI MBIKQYRËS I KËSHILLIT	3
OBJEKTIVA DHE METODOLOGJIA E MBIKËQYRJES	3
FUSHAT E MBIKËQYRJES.....	3
RAPORT PËR MBIKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBIMIN CIVIL NË AGJENCINË SHETËTËRORE TË ARKIVAVE TË KOSOVËS	4
I. ORGANIZIMI I BRENDSHËM DHE TË DHËNAT E TË PUNËSUARVE	6
II. PROCEDURAT E REKRUTIMIT DHE TË AVANCIMIT	6
III. PROCEDURAT DISIPLINORE	7
IV. PROCEDURAT E ANKESAVE.....	7
V. PROCEDURAT E VLERËSIMIT.....	7
VI. PROCEDURAT E PUSHIMEVE	8
VII. PROCEDURAT E TRANSFERIMIT.....	8
VIII. TË DHËNAT PËR PËRFAQËSIM ETNIK, GJINOR DHE PERSONAVE ME NEVOJA TË VEÇANTA	8
IX. PEZULLIMI, NDËRPRERJA DHE PËRFUNDIMI I MARRËDHËNIES SË PUNËS.....	9
X. PAPAJTUESHMËRIA NË MES TË USHTRIMIT TË DETYRËS SË NËPUNËSIT CIVIL DHE FUNKSIONARIT PUBLIK	9
XI. TË DHËNAT NËSE NDAJ NËPUNËSVE CIVIL ËSHTË DUKE U ZHVILLUAR PROCEDURË PENALE OSE JANË DËNUAR ME VENDIM TË GJYKATËS.....	9
XII. TRAJNIMI I NËPUNËSVE CIVIL.....	9
XIII. VIJIMI NË PUNË, PAGAT, SHITESAT DHE KOMPENSIMET	10
XIV. ZBATIMI I REKOMANDIMEVE DHE VENDIMEVE TË KËSHILLIT.....	10
XV. SHËNIMET/KOMENTET/ PËR MIBKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBIMIN CIVIL.....	10

HYRJE

Këshilli i Pavarur Mbikëqyrës për Shërbimin Civil të Kosovës (në tekstin e mëtejshëm: Këshilli) mbikëqyrë rregullat dhe parimet e shërbimit civil të Kosovës.

Baza ligjore për ushtrimin e funksioneve të Këshillit është Kushtetuta e Republikës së Kosovës, Ligji nr. 03/L-192 për Këshillin e Pavarur Mbikëqyrës për Shërbimin Civil të Kosovës, Ligji nr. 03/L-149 për Shërbimin Civil të Republikës së Kosovës, Ligji nr. 02/L-28 për Procedurën Administrative, Rregullorja Nr. 02/2016 për Punën e Këshillit të Pavarur Mbikëqyrës për Shërbimin Civil të Kosovës, Rregullorja Nr. 03/2016 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, Rregullorja Nr. 04/2016 për Procedurën e Mbikëqyrjes së Zbatimit të Rregullave dhe Parimeve të Legjislacionit për Shërbimin Civil në Institucionet e Administratës Publike si dhe ligjet dhe aktet nënligjore që ndërliken me shërbimin civil.

Këshilli përmes mbikëqyrjes së zbatimit të rregullave dhe parimeve në shërbimin civil angazhohet që të sigurohet një administratë profesionale dhe efikase, sipas standardeve evropiane.

FUNKSIONI MBIKËQYRËS I KËSHILLIT

Në pajtim me Ligjin Nr. 03/L-192 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 04/2016 për Procedurën e Mbikëqyrjes së Zbatimit të Rregullave dhe Parimeve të Legjislacionit për Shërbimin Civil në Institucionet e Administratës Publike, përmes funksionit të mbikëqyrjes Këshilli bënë mbikëqyrjen e zbatimit të rregullave dhe parimeve të legjislacionit për shërbimin civil.

Për të ushtruar këtë funksion në mënyrën më të mirë, Këshilli ka miratuar “Udhëzuesin për procedurën e mbikëqyrjes së zbatimit të rregullave dhe parimeve të legjislacionit për shërbimin civil”, mbi bazën e të cilit edhe harton “Planin e Mbikëqyrjes” në kuadër të të cilit përfshihen një numër i Institucioneve të nivelit qendror dhe lokal, si dhe organe të pavarura dhe agjenci qendrore në kuadër të këtyre Institucioneve, plan ky i cili miratohet nga Këshilli në çdo fillim viti.

OBJEKTIVA DHE METODOLOGJIA E MBIKËQYRJES

Objektiva e mbikëqyrjes ka për qëllim monitorimin e zbatimit të rregullave dhe parimeve të legjislacionit për shërbimin civil. Me qëllim të përmbushjes së përgjegjësisë për realizimin e objektivës sonë kemi zbatuar një kombinim të mostrave sipas gjykimit dhe sipas rastit në përzgjedhjen e dosjeve, dhe jemi mbështetur në një lloj kombinimi të intervistave me zyrtarët e personelit, rishikimeve analitike, rishikimin e dokumenteve dhe verifikimin fizik për të vlerësuar vlefshmërinë dhe rregullsinë e zhvillimit të procedurave dhe respektimin e legjislacionit të shërbimit civil.

FUSHAT E MBIKËQYRJES

Këshilli, gjatë implementimit të mandatit të tij lidhur me zbatimin e rregullave dhe parimeve të legjislacionit për shërbimin civil, ka përcaktuar fushat të cilat do të jenë pjesë e mbikëqyrjes në

kuadër të Divizioneve të Burimeve Njerëzore dhe mekanizmave tjerë të Institucioneve të cilët janë përgjegjës për zbatim të legjislacionit të shërbimit civil.

Në këtë kuadër si pjesë e mbikëqyrjes janë:

- Organizimi i brendshëm dhe të dhënat e të punësuarve;
- Procedurat e rekrutimit dhe të avancimit;
- Procedurat disiplinore;
- Procedurat e ankesave;
- Procedurat e vlerësimit;
- Procedurat e pushimeve;
- Procedurat e transferimit;
- Të dhënat për përfaqësim etnik, gjinor dhe personave me nevoja të veçanta;
- Procedurat e pezullimit, ndërprerjes dhe përfundimit të marrëdhënies së punës;
- Papajtueshmëria në mes të ushtrimit të detyrës së nëpunësit civil dhe funksionarit publik;
- Të dhënat nëse ndaj nëpunësve civil është duke u zhvilluar procedurë penale ose janë dënuar me vendim të gjykatës;
- Trajnimi i nëpunësve civil;
- Vijimi në punë, pagat, shtesat dhe kompensimet;
- Zbatimi i rekomandimeve dhe vendimeve të Këshillit;
- Shënimet/Komentet/Konkluzionet e Përgjithshme për Mbikëqyrjen e Zbatimit të Rregullave dhe Parimeve të Legjislacionit për Shërbimin Civil

RAPORT PËR MBIKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBIMIN CIVIL NË AGJENCINË SHTETËRORE TË ARKIVAVE TË KOSOVËS

Këshilli, gjatë procesit të mbikëqyrjes së zbatimit të rregullave dhe parimeve të legjislacionit për shërbimin civil në Agjencinë Shtetërore të Arkivave të Kosovës për të vlerësuar drejtë në mënyrë të paanshme dhe të saktë gjendjen e ligjshmërisë së veprimeve të ndërmarra nga Agjencinë Shtetërore të Arkivave të Kosovës, përveç mbikëqyrjes së drejtpërdrejtë që ka zhvilluar gjatë realizimit të vizitës në Agjencinë e Arkivave me datë 11.09.2018, në prezencë të Udhëheqësit të Burimeve Njerëzore, si mostra për shqyrtim ka marr një mori të kopjeve të dokumenteve relevante, si në vijim:

- Vendimi i datës 23.02.2018 për Themelimin e Komisionit Disiplinor;
- Vendimi i datës 23.02.2018 për formimin e Komisionit për Zgjidhjen e Kontesteve dhe të Ankesave;
- Formulari i Planit Individual të Personelit i datës 03.11.2017;
- Vendimi i datës 28.08.2017 për pushim të lehonisë;
- Vendimi i datës 26.05.2017 mbi pensionimin e Zyrtarit;
- Plani vjetor i trajnimit të nëpunësve civilë;
- Dosja personale e nëpunësit në vendin e punës “Zyrtar për Arkiv AD2080”;
- Formulari për vlerësimin e punës për nëpunësen në vendin e punës “Zyrtare për Arkiva AK/150”;
- Formulari për vlerësimin e punës për nëpunësen në vendin e punës “Zyrtare Administrative AD/450”;
- Dosja personale e nëpunësit në vendin e punës “Zyrtare për Arkiv AD1 2010”;
- Dosja e procedurës së brendshme të rekrutimit për vendin e punës “Inspektor i Arkivit INS/280”;

- Dosja e procesit të rekrutimit për vendin e punës “Zyrtar i Arkivit AK/160”;
- Vendimi i datës 14.07.2017 i Komisionit për Zgjidhjen e Kontesteve dhe të Ankesave;
- Marrëveshja për shërbime të veçanta e datës 13.04.2017;
- Marrëveshje për shërbime të veçanta e datës 12.06.2017.

Kolegji i Këshillit për mbikëqyrjen e zbatimit të legjislacionit për shërbimin civil, duke u bazuar në provat dhe dëshmitë e shqyrtuara për fushat e mbikëqyrjes të përfshira në “pyetësor”, ka konstatuar të gjeturat dhe ka dhënë rekomandimet përkatëse për zyrtarët përgjegjës të institucionit si në vijim:

I. ORGANIZIMI I BRENDSHËM DHE TË DHËNAT E TË PUNËSUARVE

Kolegji i Këshillit për mbikëqyrjen e zbatimit të legjislacionit për shërbimin civil, gjatë vizitës që ka bërë në Agjencinë Shtetërore të Arkivave të Kosovës më datë 11.09.2018, ka konstatuar që ky institucion ka në fuqi Rregulloren për Organizimin e Brendshme dhe Sistematizimin e Vendeve të Punës që nga viti 2009, klasifikimi dhe sistematizimi i vendeve të punës është në proces. Akt emërimet e nëpunësve civile janë në pajtim me organizimin e brendshëm, Agjencia Shtetërore e Arkivave të Kosovës, numrin e nëpunësve civil të miratuar me buxhet e ka 99 dhe nuk ka pozita të lira.

Ushtruesit e detyrës: Kolegji duke u bazuar në dëshmitë e ofruara ka konstatuar se, në këtë institucion nuk ka pas nëpunës të caktuar si ushtrues të detyrës.

Për këtë fushë të mbikëqyrjes, nuk kemi pasur rekomandime.

II. PROCEDURAT E REKRUTIMIT DHE TË AVANCIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Agjencia Shtetërore e Arkivave të Kosovës, ka të përgatitur planin vjetor të rekrutimit, ky institucion gjatë vitit 2017 ka pas katër (4) rekrutime të shpallura dhe një (1) avancim. Kolegji i Këshillit ka marrë si mostër procesin e rekrutimit të brendshëm për vendin e punës “Inspektor i Arkivit INS/280” dhe procesin e rekrutimit “Zyrtar i Arkivit AK/160”, dhe ka konstatuar se për të dy procedurat e rekrutimit janë zhvilluar në pajtim me dispozitat e ligjit për shërbimin civil si dhe të Rregullores Nr.02/2010 për Procedurat e Rekrutimit në Shërbimin Civil.

Kolegji i Këshillit, ka konstatuar se Agjencia Shtetërore e Arkivave të Kosovës, gjatë vitit 2017 ka pas dy (2) të angazhuar nëpunës me shërbime të veçanta dhe se nuk janë zhvilluar procedurat e thjeshtëzuara të rekrutimit, nuk ka tejkallim të afateve dhe një marrëveshje është e lidhur për pozita të shërbimit civil. Lidhur me marrëveshjet për shërbime të veçanta kemi konstatuar këto te gjetura:

E GJETURA 1: Kolegji i Këshillit, ka konstatuar se Agjencia Shtetërore e Arkivave të Kosovës, gjatë vitit 2017 ka pas dy (2) të angazhuar nëpunës me shërbime të veçanta dhe se nuk janë zhvilluar procedurat e thjeshtëzuara të rekrutimit. Me këtë veprim Agjencia Shtetërore e Arkivave të Kosovës ka vepruar në kundërshtim me nenin 12 paragrafi 4 të Ligjit Nr.03/L-149 për Shërbimin Civil të Republikës së Kosovës dhe nenin 18 të Rregullores Nr.02/2010 për Procedurat e Rekrutimit në Shërbimin Civil.

REKOMANDIMI 1:

Rekomandojmë Kryeshefin Ekzekutiv të Agjencisë Shtetërore të Arkivave të Kosovës, që të ndërmarr të gjitha veprimet e nevojshme për eliminimin e shkeljes, që të zhvillohen procedurat e thjeshtësuara të rekrutimit ashtu siç parashihet me dispozitat e nenit 12 paragrafit 4 të Ligjit Nr.3/L-149 për Shërbimin Civil të Republikës së Kosovës si dhe të Rregullores Nr.02/2010 për Procedurat e Rekrutimit në Shërbimin Civil.

E GJETURA 2: Kolegji për mbikëqyrjen e zbatimit të legjislacionit për shërbimin civil, gjatë shqyrtimit të marrëveshjeve për shërbime të veçanta ka konstatuar se një marrëveshje është lidhur për pozitën e shërbimit civil “Zyrtarë për Arkiv 2 AK/160”.

Kolegji ka konstatuar që në bazë të nenit 12 paragrafit 1 nën paragrafit 1.1 dhe 1.2 të Ligjit Nr. 03/L-149 për Shërbimin Civil të Republikës së Kosovës ekzistojnë dy kategori të të punësuarve: „pozitat e nëpunësve civilë të karrierës dhe pozitat e nëpunësve civilë të jo karrierës”.

Në kuptim të kësaj dispozite, pozitat e nëpunësve civil të karrierës apo të jo karrierës, nuk mund të plotësohen me nëpunës me kontrata për marrëveshje për shërbime të veçanta.

REKOMANDIMI 2:

Rekomandojmë Kryeshefin Ekzekutiv të Agjencisë Shtetërore të Arkivave të Kosovës, që me rastin e lidhjes së Kontratave me marrëveshjeve për shërbime të veçanta duhet pasur parasysh që të njëjtat nuk mund të lidhen marrëveshje të tilla por duhet ndjekur procedurat e parapara me Ligjin Nr. 03/L-149 për Shërbimin Civil të Republikës së Kosovës dhe akteve nënligjore për zbatimin e këtij ligji.

III. PROCEDURAT DISIPLINORE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Komisioni Disiplinor është i themeluar me Vendimin me numër 01/56/2018 të datës 23.02.2018 dhe është në pajtim me dispozitat e nenit 70 paragrafit 3 të Ligjit Nr. 03/L-149 për Shërbimin Civil të Republikës së Kosovës. Komisioni Disiplinor, i Agjencisë Shtetërore të Arkivave të Kosovës nuk ka pas asnjë rast për vitin 2017 në shqyrtim.

Për këtë fushë të mbikëqyrjes, nuk kemi pasur rekomandime.

IV. PROCEDURAT E ANKESAVE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Agjencinë Shtetërore të Arkivave të Kosovës, Komisioni për Zgjidhjen e Kontesteve dhe Ankesave është i themeluar me Vendimin me numër 01/55/18 të datës 23.02.2018 dhe është në pajtim me dispozitat e nenit 82 paragrafit 3 të Ligjit Nr.03/L-149 për Shërbimin Civil të Republikës së Kosovës. Në Komisionin për Zgjidhjen e Kontesteve dhe të Ankesave, kanë pas katër (4) ankesa në shqyrtim dhe Komisioni për Zgjidhjen e Kontesteve dhe të Ankesave ka shqyrtuar katër (4) ankesa.

Për këtë fushë të mbikëqyrjes, nuk kemi pasur rekomandime.

V. PROCEDURAT E VLERËSIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Agjencia Shtetërore e Arkivave të Kosovës, e ka bërë vlerësimin e rezultateve në punë për të gjithë nëpunësit civilë brenda afatit ligjor të përcaktuar me Rregulloren Nr.19/2012 për Vlerësimin e Rezultateve në Punë të Nëpunësve Civilë po ashtu në këtë institucion janë vlerësuar edhe katër nëpunës civil për periudhën provuese të punës.

Për këtë fushë të mbikëqyrjes, nuk kemi pasur rekomandime.

VI. PROCEDURAT E PUSHIMEVE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Agjencia Shtetërore e Arkivave të Kosovës, evidencën e pushimeve të nëpunësve civil e mban në formë fizike, ndërsa 29 nëpunës civil kanë shfrytëzuar pushimin mjekësor, 1 nëpunës pushim pa pagesë dhe 1 nëpunës pushimin e lehonisë. Të gjitha pushimet janë në pajtim me dispozitat e Rregullores Nr. 06/2011 për Pushimet e Nëpunësve Civilë.

Për këtë fushë të mbikëqyrjes, nuk kemi pasur rekomandime.

VII. PROCEDURAT E TRANSFERIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Agjencia Shtetërore e Arkivave të Kosovës gjatë vitit 2017 ka pasur një (1) transferim të përhershëm, i cili transferim është bërë në pajtim me dispozitat e Rregullores Nr.06/2010 për Transferimin e Nëpunësve Civilë.

Për këtë fushë të mbikëqyrjes, nuk kemi pasur rekomandime.

VIII. TË DHËNAT PËR PËRFAQËSIM ETNIK, GJINOR DHE PERSONAVE ME NEVOJA TË VEÇANTA

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Agjencia Shtetërore e Arkivave të Kosovës, ka të punësuar 84 shqiptarë, 9 serb, 2 boshnjak, 2 turq dhe 1 të tjera. Prej 98 nëpunësve civile, 55 janë të punësuar femra, ndërsa 43 janë meshkuj. Në këtë institucion nuk ka nëpunës civil të punësuar nga personat me aftësi të kufizuara.

E GJETURA 1: Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se prej 98 nëpunësve civil të punësuar në Agjencinë Shtetërore të Arkivave të Kosovës, 55 prej tyre janë të punësuar femra ndërsa 43 janë të punësuar meshkuj, çka nënkupton se nuk ka numër të barabartë të punësuarve në aspektin gjinor ashtu siç përcaktohet me dispozitat e nenit 6 paragrafit 8 të Ligjit Nr. 05/L -020 për Barazi Gjinore.

REKOMANDIM 1:

Rekomandojmë Kryeshefin Ekzekutiv të Agjencisë Shtetërore të Arkivave të Kosovës, që të ndërmarë të gjitha veprimet për zbatimin e dispozitave të nenit 6 paragrafit 8 të Ligjit Nr. 05/L -020 për Barazi Gjinore.

E GJETURA 2: Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se prej 98 nëpunësve civil të punësuar në Agjencinë Shtetërore të Arkivave të Kosovës, nuk ka asnjë nëpunës me nevoja të veçanta, me çka nënkuptohet se nuk është respektuar dispozita e nenit 12 paragrafit 2 të Ligjit Nr. 03/L-019 për Aftësimin, Riaftësimin Profesional dhe Punësimin e Personave me Aftësi të Kufizuara, sipas të cilës dispozitë është përcaktuar që „Çdo punëdhënës është i obliguar të punësojë një person me aftësi të kufizuara në çdo pesëdhjetë (50) punëtor”.

REKOMANDIMI 2:

Rekomandojmë Kryeshefin Ekzekutiv të Agjencisë Shtetërore të Arkivave të Kosovës, që të ndërmarr të gjitha veprimet për zbatimin e nenit 12 të Ligjit Nr. 03/L-019 për Aftësimin, Riaftësimin Profesional dhe Punësimin e Personave me Aftësi të Kufizuara pasi që çdo punëdhënës është i obliguar të punësoj një person me aftësi të kufizuara në çdo pesëdhjetë (50) punëtor.

IX. PEZULLIMI, NDËRPRERJA DHE PËRFUNDIMI I MARRËDHËNIES SË PUNËS

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar në Agjencinë Shtetërore të Arkivave të Kosovës, gjatë vitit 2017 nuk ka pas nëpunës të pezulluar, nuk ka pas ndërprerje të marrëdhënies së punës dhe tre (3) nëpunës civilë kanë ndërprerë marrëdhënien e punës për shkak të arritjes së moshës së pensionimit.

Për këtë fushë të mbikëqyrjes, nuk kemi pasur rekomandime.

X. PAPAJTUESHMËRIA NË MES TË USHTRIMIT TË DETYRËS SË NËPUNËSIT CIVIL DHE FUNKSIONARIT PUBLIK

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar në Agjencinë Shtetërore të Arkivave të Kosovës, nuk ka pas asnjë nëpunës civil i cili në të njëjtën kohë mban ndonjë postë publik e që do të ishte në papajtueshmëri me ushtrimin e detyrës së nëpunësit civil.

Për këtë fushë të mbikëqyrjes, nuk kemi pasur rekomandime.

XI. TË DHËNAT NËSE NDAJ NËPUNËSVE CIVIL ËSHTË DUKE U ZHVILLUAR PROCEDURË PENALE OSE JANË DËNUAR ME VENDIM TË GJYKATËS

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar në Agjencinë Shtetërore të Arkivave të Kosovës, në vitin 2017 nuk ka nëpunës ndaj të cilëve është filluar procedura penale.

Për këtë fushë të mbikëqyrjes, nuk kemi pasur rekomandime.

XII. TRAJNIMI I NËPUNËSVE CIVIL

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Agjencinë Shtetërore të Arkivave të Kosovës për vitin 2017 ka hartuar "Planin e trajnimeve", dhe është dorëzuar në Ministrinë e Administratës Publike me datë 14.02.2017.

Për këtë fushë të mbikëqyrjes, nuk kemi pasur rekomandime.

XIII. VIJIMI NË PUNË, PAGAT, SHITESAT DHE KOMPENSIMET

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Agjencia Shtetërore e Arkivave të Kosovës, vijimin në punë e mban në formë elektronike. Po ashtu në bazë të shqyrtimit të listës së pagave konstatohet se të gjitha pagat realizohet në pajtim me akt emërimet, ndërsa shtesat apo kompensimet tjera realizojnë zyrtarët e Teknologjisë Informative.

Për këtë fushë të mbikëqyrjes, nuk kemi pasur rekomandime.

XIV. ZBATIMI I REKOMANDIMEVE DHE VENDIMEVE TË KËSHILLIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Agjencia Shtetërore e Arkivave të Kosovës, i ka pranuar tri (3) vendime të Këshillit të Pavarur Mbikëqyrës për Shërbimin Civil të Kosovës dhe të tri vendimet i ka zbatuar nuk ka ngritur padi ndaj vendimeve të Këshillit.

Për këtë fushë të mbikëqyrjes, nuk kemi pasur rekomandime.

XV. SHËNIMET/KOMENTET/ PËR MIBKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBIMIN CIVIL

Kolegji i Këshillit gjatë shqyrtimit dhe monitorimit të të dhënave të dosjeve për fushat e mbikëqyrjes, ka konstatuar katër (4) të gjetura dhe ka dhënë katër (4) rekomandime.

Këshilli i Pavarur Mbikëqyrës për Shërbimin Civil të Kosovës, rekomandon menaxhmentin e lartë të Agjencisë Shtetërore të Arkivave të Kosovës, që ***gjetjet me rekomandimet*** e dhëna në këtë raport t'i adresoj dhe së bashku me njësitë përgjegjëse të sigurojë që të ketë zbatim të plotë të legjislacionit për shërbimin civil, sidomos duke pasur një fokus të veçantë për fushat për të cilat janë evidentuar shkelje dhe lëshime në zbatimin e procedurave dhe legjislacionit për shërbimin civil.

Lela Petković

Kryetare e Kolegjit



Valentina Kaçandolli Bekteshi

Bashkëpunëtoare Profesionale